



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2784/13
Sarajevo, 28.11.2013. godine

01/2-50-1
ly

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	29.11.2013		
Organizaciona jedinica	Klasifikaciona oznaka	Redni broj	Broj prijave
01-50-1-15	15	58	13

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupnička pitanja – dostavlja se

Vijeće ministara Bosne i Hercegovine, na 72. sjednici održanoj 28.11.2013. godine, utvrdilo je Odgovor na zastupnička pitanja koja je postavila Dušanka Majkić, zastupnica u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupnici.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2784/13
Sarajevo, 28.11.2013. godine

Dušanka Majkić, poslanica u Predstavničkom domu Parlamentarne skupštine Bosne i Hercegovine, na 53. sjednici Predstavničkog doma održanoj 19. septembra 2013. godine, postavila je sljedeća poslanička pitanja:

1. „Da li su utvrđene sve činjenice i okolnosti koje su dovele do neslaganja evidencije i stvarnog stanja ručnog bacača raketa 64 mm, M80 „Zolja“, na lokaciji skladišta Krupa-Hadžići?
2. Šta je Ministarstvo odbrane poduzelo na utvrđivanju organizacione i lične odgovornosti?
3. Kakve su mjere poduzete protiv odgovornih lica?“

Na postavljena pitanja, Vijeće ministara Bosne i Hercegovine je na 72. sjednici održanoj 28. 11. 2013. godine, utvrdilo sljedeći

ODGOVOR

Dana 16.04.2013. godine, prilikom internog pregleda i prebrojavanja PO na lokaciji skladišta municije "Krupa" Hadžići, utvrđeno je neslaganje stanja ručnog bacača raketa (RBR) 64 mm M-80. U jednom sanduku u skladištu broj 11. umjesto četiri komada nalazila su se dva ispravna protivoklopna sredstva navedenog tipa, jedna mina za RB M-57, te jedan komad oklopa ispaljenog protivoklopnog sredstva. Opisano stanje zatečeno je prilikom otvaranja i kontrole sanduka koji je bio zapečaćen EUFOR-ovom naljepnicom sa datumom iz maja 2008. godine, koja dokazuje da sanduk od tada nije otvaran.

Obzirom na stanje zatečeno na licu mjesta, zaključeno je da nije u pitanju krađa (nema tragova obijanja skladišta broj 11. niti neovlaštenog otvaranja i oštećenja sanduka). Takođe, nije utvrđeno kada, gdje i na koji način je došlo do dislociranja borbenih sredstava iz sanduka, a time se nije moglo objektivno utvrditi niti ko snosi pojedinačnu odgovornost. Istražni postupak po ovom predmetu nije zatvoren, kao i postupak utvrđivanja organizacijske i lične odgovornosti.